



Selasa, 06 Juni 2023
Ogen: Amos 4:9



“Labang Engkeriken Reba-reba”



Bas kerina profesi si idalani lalap lit ngalaken perbeben; umpamana : pengusaha (perlu modal simbelin, banci ndatken untung simbelin ibas sada bulan tapi pe banci ka nge rugi ibas sada wari), supir (uang masuk la nentu tetp-tep wari ras pe resiko tabraken), perjuma (sinuan-sinuan banci la kena ergana ras pe hama sinuan-sinuan si banci encedai erbahansa panen banci gagal) ras sidebanna.

Wari enda khusus bahan paksa tenengta ningetken kerna perbeben sekalak perjuma. "*Kusuruh angin si melas **mahanca sinuan-sinuanndu kerah. Labang engkeriken** reba-reba ras peken anggurndu, bage pe batang ara ras batang saitunndu. Amin bage pe langa ka bo kam jera dengen mulih ku Aku*". Sekalak perjuma mbelin kel pengarapenna maka sinuan-sinuan si i suanna banci turah alu mehuli jenari ibas paksana pagi kena ka ergana; tapi banci saja arapen e la bagi ukur erkiteken hama encedai sinuan-sinuan e ras pe la ka kena ergana. Modal pe enggo keru, janah menaken ka nuan arus minjam ka lebe.

"Labang engkeriken reba-reba", persoalan si nambahi ate ceda, putus asa bage pe kecewa. Perasaan si turah bas pusuh e sada hal si normal kel tapi ula min sempat ate mesui e mabai kita ndabuh ku bas dosa jenari nirangken Dibata. Lenga bo tentu sinuan-sinuan ceda erkiteken hama e mabai kita gelah bene tapi banci saja arah persoalan e, kita reh rembakna ras Dibata. Hama banci saja encedai sinuan-sinuanta; hama banci saja encedai jumanta; tapi keleng ate Tuhan la pernah encedai geluhta.

"Keleng Ate Tuhan mahanca aku megegeh"